



Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiæ & Iuris Canonici Doctoris |||
celeberrimi, ac Ecclesiæ Ham-||burgensis quondam
Decani**

Krantz, Albert

Coloniae, 1574

Capvt XV.

urn:nbn:de:hbz:466:1-11453

ces rebus omnibus, totis viribus ad occurrentum Danorum regi pro ducibus consobrini principes se contulerunt.

C A P V T X V.

GVnterus Magdeburgensis archiepiscopus, tum Hallensibus multa iusserit incommoda inferri: ad ueli, deuehique quicquam interdixit: Nam salinarum prouentus sibi tanquam terra domino pro iusta parte debet contendit: Ciues contrà, non nisi qua ab olim pontificibus data sint, paratos exhibere, noua nequaquam onera subituros se prætenderunt. Ille yrget deforis hostilia exercens: ciues capit, bona inuadit, interdicit itinera. Illi, vbi nō alia via esset, armis se tueri confisi, per armatis aliquot suorum, conductisq; militibus diœcesim ingrediuntur, damna damnis compensantes, captis oppidorum ciuibus, vt haberent quos ex se captis ad redemptionem compensarent. Aliquot etiam militarium in terra sunt deiecta praesidia. Sed intercepere negotium communes amici, misitq; archiepiscopus, & ex suo capitulo viros rebus gerendis idoneos, & aliquot ex suo concilio comites. Aduocantur vicinarum urbium consulares, & res in eum exitum peruenit, vt damna damnis coequata manerent: Hallenses consueta archiepiscopo exhiberent: sed in solatia factorum bello sumptuū, XX. millia sexagenarum ex antiquis grossis domino suo persoluerent. Otto interim de Brunswico Bernhardi filius, federatus Magno Hildesemensi, & Iohanni Halberstadiensi episcopis, occurrentum ratus malignitatibus querundam militarium de Swichelen, qui vndecunque natis occasionibus, incursiones publicorum itinerum, aut ipsi fecerunt, aut facientes receptarunt. Aderant communites Magdeburgi, Brunswici, Gostarie, Halber-

E e e stadij,

stadij, Hildesem: Duxerunt in arcem & videla, quam op-
pugnantes, non magno negocio in potestatem accepere,
habitatoribus fugatis, & imposito praesidio: aliū prin-
cipes, alium communitates ibi instituēre praefectum. Inde
mouentes in aliud praesidium, (Bisschopslutter appel-
lant) quod inuenēre iam defensoribus vacuum: nam hoc
tueri diffisi, abiērunt. Proscriptione vtuntur in memo-
ratos ab omni Saxonie, donec gratiam recuperarent.
Quo tempore marchio Misnēsis dux Saxonie, princeps
victoriosus, & qui prælia Domini multa gesisset in Bo-
hemos, vita excessit, relinquens filios tres: quorum ma-
ior natu Fridericus paternam subiit administrationem:
Ducatu imprimis Saxonie, patri ab Imperatore nō gra-
tis collatum, curauit ingredi: sacramenta accepit ab
omnibus, & se principem gerebat electorem.

C A P V T . X V I .

REI nouitas suo à nobis iure deposita, vt in literas
mittamus memoria dignam diuturna. Venerat ab
vrbe Roma in hanc Saxonie prouinciam, specie nuncij
apostolici, quidam falsarius nomine Marcellus cum fra-
tre Hospitalis, vt apparebat, sancti Iohannis: Carnales
illi fratres, & ambo professione Minores, religiosa ueste
proiecta, literas præferebant apostolicas. Marcellus sa-
tis eloquens & doctus, qui se magistrū affereret in The-
ologia, indulgentias plenarias pollicitus dantibus pro re-
demptione captiuorum pro rege Cypri. Per dioecesim
Zwerinensem profecit, multum faciens quaestum: Ve-
nerat Lubicam, pontifici se exhibit. Ille & vultum ho-
minis, & literarum faciem perpendens, primum suspi-
cionem falsi concepit: Deinde ubi introrsus omnia per-
spexit, reperit falsarium. Ille tamen nihil mutato vultu
intrepidus stabat, pollicitus omnia facere & perpeti de-

re sua

